

Morning Regional Dogri News Bulletin, 19 June 2024

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- प्रधानमंत्री नरेंद्र मोदी होर अज्ज बिहार च नालंदा यूनिवर्सिटी दे नमें परिसर दा उद्घाटन करंगन। 17 मुल्खें दे मिशन हैडे सने कई प्रमुख हस्तियां इस कार्यक्रम च शामिल होंगन।
- प्रधानमंत्री नरेंद्र मोदी होरें गलाया जे भारत गी त्री बड्डी अर्थ बवस्था बनाने दे कम्मैं च देश दा राई बाई क्ष अहम भूमिका निभाग।
- पुलस नै आँदे शुक्रवारें प्रधानमंत्री हुंदे श्रीनगर दौरे दे मद्देरजर उत्थे कुसा बी किस्म दे ड्रोन चलाने उप्पर पाबंदी लांदे होई रेड ज़ोन घोषित करी दिता ऐ।
- खेड्ढे जा रदे वर्ल्ड एथलेटिक्स कांटीनेंटल गोल्ड टूर च भारत दे नेजा सुट्टने आहले विश्व चैंपियन नीरज चोपड़ा होरें सुन्ने दा तगमा हासिल करी लैता ऐ।
- जम्मू च गर्मी दा प्रकोप जारी, आम जन जीवन अस्त-व्यस्त।

<><><><><><>

PM-Bihar

प्रधानमंत्री नरेंद्र मोदी होर अज्ज बिहार दे दौरे उप्पर राँहंगन। ओह नालंदा जिले दे राजगीर च स्थित नालंदा यूनिवर्सिटी दे नमें परिसर दा उद्घाटन करंगन।

मोदी होर विश्व धरोहर नालंदा यूनिवर्सिटी दे प्राचीन अवशेषं दा बी दौरा करंगन जिंदा नमीं बनाई गेदी यूनिवर्सिटी कन्ने गैहरा सरंध ऐ। नालंदा यूनिवर्सिटी दी कल्पना भारत ते पूर्वी एशिया शिखर सम्मेलन आहले मुल्खें बश्कार इक्क सांझे सहयोग दे रूप च कीती गई ऐ। उद्घाटन समारोह च बिहार दे गवर्नर राजेंद्र विश्वनाथ आरलेकर, मुखमंत्रि नितिश कुमार ते विदेश मंत्री डॉ. एस. जयशंकर होर बी मौजूद रौहंगन। एहदे अलावा 17 मुल्खें दे मिशन प्रमुखें सनें केई बड्डी हस्तियां बी इस कार्यक्रम च शामिल होंगन। भलेयां अज्जै-कल्लै दे बुनियादी ढांचे कन्ने लैस नालंदा यूनिवर्सिटी दा एह नमां परिसर 450 एकड़ रकबे च फैले दा ऐ। पर्यावरण दी सांभ संभाल आहले विशे उप्पर आधारित इस परिसर गी नेट जीरो ग्रीन कैंपस बनाया गेदाऐ। परिसर च उर्जा सने होरनें जरूरतें गी पूरा करने लेई सौर उर्जा, प्लांट सने पीने आहले पानी दा संयंत्र ते गंदे पानी गी साफ करने आहला संयंत्र बी स्थापित कीता गेदा ऐ।

<><><><><><>

PM-Agriculture

प्रधानमंत्री नरेंद्र मो होरें गलाया ऐ जे भारत गी विश्व दी त्री बड्डी अर्थ बवस्था बनाने च राईबाई क्षेत्र इक्क बड्डी अहम भूमिका निभाग। उनें गलाया जे केंद्र सरकार नै करसानें दी जीवनशैली गी होर मता विकसित करने दी पक्क ध्याई दी ऐ ते करसानें दी औंदन च बाद्दा करना, उंदी सरकार दे प्राथमिकता ऐ। कल वाराणसी च प्रधानमंत्री किसान सम्मान सम्मेलन दौरान लोकें दे कट्ठ गी संबोधित करदे होई प्रधानमंत्री होरें एह गल्ल आक्खी।

इस दौरान मोदी हों प्रधानमंत्री किसानसम्मान निधि तैहत 20 जहार करोड़ शा मती दी 17मीं किशत दा लाह बी 9 करोड़ 26 लकख करसाने गी पजाया। प्रधानमंत्री हों कार्यक्रम दौरान आप सहायता समूह कन्ने जुड़ी दिएं 30 जहार महिलाएं गी कृषि सखी दे प्रमाण पत्र बी प्रदान कीते। मोदी हों आखेआ जे लोकतंत्र दे इस बड्डे उत्सव च 30 करोड़ शा मतिएं महिलाएं हिस्सा लैता हा जेड़ा अमरीका दा कुल अबादी दे बराबर ऐ।

<><><><><><>

PM-Kissan

प्रधानमंत्री नरेंद्र मोदी हुंदे आस्सेआ करसाने दे सिद्धे बैंक खाते च प्रधानमंत्री किसान सम्मान निधि योजना तैहत 17मीं किशत दिते जाने करी सांबा जिले दे करसान बड़े मते खुश न। इनें करसाने अपनी खुशी दा इजहार करदे होई आकाशवाणी कन्ने गल्ल करदे होई आखेआ।

<><><><><><>

PM-Reasi

रियासी दी 30 जहार 839 शां मते करसाने दे खाते च कल प्रधानमंत्री किसान सम्मान निधि तैहत 6 करोड़ 17 लकख रपे दी रकम पुज्जी गई ऐ। इस खुशी दा इजतार करदे होई करसाने गलाया जे ओह इस रकम दा इस्तेमाल बी खरीदने ते राईबाई दे क्षेत्र कन्ने जुड़े दे होर कम्मं लेई करंगन। इस बारै गल्ल करदे होई किश करसाने स्हाड़े संवाददाता गी दस्सेया।

<><><><><><>

CDS-Cyber Space

त्रोनें सेनाएं दे प्रमुख सीडीएस जनरल अनिल चौहान हों कल दिल्ली च लग्गी दी चीफ ऑफ स्टाफ कमेटी दी बैठक दौरान साइबर स्पेस संचालन लेई इक जायंट डाक्ट्रिन जारी दकीता। जायंट डाक्ट्रिन इक प्रमुख प्रकाशन ऐ जेड़ा अज्जै दे कठिन सैन्य संचालन आले माहौल च साइबर स्पेस संचालन च कमांडरें दा मार्गदर्शन करोग। एह विकास दे सांझे ते किट्ठे इस्तेमाल दा इक महत्वपूर्ण पैहले ए जिसी भारतीय थेआरबंद बलें आस्सेआ सरगर्मी कन्नै अगड़े बधाय जा'रदा ऐ। साइबर स्पेस संचालन लेई एह जायंट डाक्ट्रिन जारी प्रक्रिया गी रफ्तार देने लेई इक महत्वपूर्ण गैह ऐ। जिमीं समुंद्र ते हवा सने युद्ध दे रिवायती क्षेत्रें दे अलावा, साइबर स्पेस, भलेयां अज्जै-कल्लै दिएं युद्ध तकनीकें ते तरीकें च बी इक महत्वपूर्ण ते चुनौतीपूर्ण क्षेत्र दे रूपै च उभरिए आया ऐ।

<><><><><><>

Jammu-University

जम्मू पुस नै कल दरयाएं शा गैर कनूनी तरीके कन्नै लैतर बजरी कड्डा'रदिएं 11 गड्डिएं गी जब्त कीता। इक सोशल मीडिया पोस्ट उप्पर जिल पुलस जम्मू नै गलाया जे दरयाएं शा गैर कनूनी तरीकें कन्नै लैतर बजरी कड्डने दे इस गैर कनूनी कम्म उप्पर रोक लाने लेई पुलस सख्त रौं अपना'रदी ऐ।

<><><><><><>

Srinagar-Security

प्रधानमंत्री नरेंद्र मोदी हुंदे दौरे गी ध्यानै च रखदे होई जम्मू-कश्मीर पुलसै श्रीनगर शैहरा गी आरजी तौरा पर रेड ज़ोन घोषित करी दिते दा ऐ जिस दौरान कुसै गी बी शैहरै च ड्रोन या क्वार्ड कॉप चलाने दी इजाजत नेई होग। अपनी इक सोशल मीडिया पोस्ट च श्रीनगर पुलसै आखेआ ऐ जे बिजन इजाजत लैते दे जेकर कोई रेड जोन इलाके च ड्रोन वगैरा डोआंदा ऐ तां औंदे खलाफ सख्त कार्रवाई कीती जाग। ध्यानजोग ऐ जे प्रधानमंत्री नरेंद्र मोदी होर 10में अंतरराष्ट्रीय योग दिवस दे मौके पर 21 जून गी श्रीनगर थमां इस आयोजन च हिस्सा लैंगन।

<><><><><><>

Army-Yoga

भारतीय सेना औंदे अंतरराष्ट्रीय योगा दिवस दे मददेनजर राजौरी जिले दी नियंत्रण रेखा कन्नै लगदे बक्ख-बक्ख ग्राएं च योग शिविरें ते जागरूकता मुहिम दा आयोजन करा रदी ऐ। कलाल, पुखरनी, लाम, लेहरान, बिसाली, ठंडीकस्सी ते सनोटी गां च योग शिविर दा आयोजन कीता गेआ जेदे च बड़ी मती गिनतरी च मकामी लोकें सनें महिलाएं ते बच्चें हिस्सा लेता।

<><><><><><>

Kisthwar

किश्तवाड़ दे आशीयाना परिसर च राष्ट्रीय युवा परियोजना, समाज सुधार ते दान कन्नै चलने आहली संस्था दी सांझ-भ्याली कन्नै रातीं ते सद्भाव उप्पर आयोजित ब्रऊं रोजा सम्मेलन सम्पन्न होई गेआ। अधिकारिक सूत्रें मुजब एह सम्मेलन 15 जून शां 17 जून तगर चलेया जेदे च बक्ख-बक्ख राज्यें थमां 32 प्रतिनिधियें हिस्सा लैता।

पुंछ जिले दे बफलियाज सेक्टर च मराहा आले जांगली इलाके च गोली चलने दियां अवाजां सनोचने दे बाद उत्थे सुरक्षाबले इलाके गी घेरिए तुपाई अभियान शुरू करी दिता ऐ। समाचार एजेसी एनआईए मुजब कल शुरू कीते गेदे तुपाई अभियान बारे होर ब्यौरे गी बलगेआ जा करदा ऐ।

<><><><><><>

Jewelies-Neeraj Chopra

ओलंपिक ते विश्व चैंपियन नीरज चोपड़ा नै विश्व एथलेटिक्स कांटेनेंटल गोल्ड टूर च सुन्ने दा तगमा हासल कीता ऐ। फिनलैंड दे तुर्कू च पावो नूरमी स्टेडियम च आयोजित प्रतियोगिता च उनें जंदी रातीं 85 इशारिया 9-7 मीटर दे छिंडे पर नेज्जा सुट्टिए एह मैडल अपने नां कीता।

<><><><><><>

T-20 World Cup

मर्दे दे आई.सी.सी टी-20 विश्व कप च अज्ज सुपर-8 दे मकाबले शुरू होआ रदे न। सुपर-8 दे सारे मैच वेस्ट इंडीज़ च खेड्ढे जांगन। पैहला मैच अज्ज अमरीका ते दक्खन अफ्रीका बश्कार होग जिसले जे भारत दा पैहला सुपर-8 मुकाबला अफगानिस्तान कन्ने कल 20 जून गी होना तैय ऐ। इस गेड़ लेई कुल 8 टीमें क्वालीफाई कीते दा ऐ।

पैहले गुप च भारत आदेलिया, बांगलादेश ते अफगानिस्तान दियां टीमां न जिसले जे दुए गुप दिएं टीमें च अमरीका, इंग्लैंड, दक्खन अफ्रीका ते वेस्ट इंडीज न। इनें दौनें गुपे च पैहले ते दुए नंबरे पर रौहने आलियां टीमां सेमीफाइनल च पुज्जंगन।

<><><><><><>

Weather

उत्तर भारत दे ज्यादातर हिस्सें आला लेखा समूलचे जम्मू प्रांतै च गर्मी दा प्रकोप बरोबर जारी ऐ ते तापमान 40 कोला 45 डिग्री दे बश्कार चलै करदा ऐ। जम्मू च कल दिनें दा बददोबद्द तापमान 43 इशारिया 9 डिग्री सेल्सियस जिसले जे घट्टोघट्ट तापमान 27 इशारिया 1 डिग्री सेल्सियस रिकार्ड कीता गेआ। जबरदस्त गर्मी दे चलदे आम जन-जीवन ते कारोबारी गतिविधियां बी प्रभावित होआ करदियां न। राह चलदे त्रेआए दे लोकें गी पानी पलेयाने लेई पिच्छले केई दिनें थमां हर रोज थाएं-थाएं छबीलां लोकें लाई दियां न। कल निर्जला कादशी दे मौके पर विशेष तौरा पर छबीलां ते लंगर भंडारे लाए गेदे हे।

<><><><><><>